

**Cov Lus Qhia txog Kev
Hloov thiab Xaus Qhov
Nyiaj Them Yug Me Nyuam**



Kev Hloov Daim Ntawv Xaaj Them Nyiaj Yug Me Nyuam

Yog tus niam/txiv qhov nyiaj tau los los yog txoj kev nyob ntawm tus me nyuam hloov, cov ntawv xaaj them nyiaj yug me nyuam yuav hloov tau; qhov nyiaj uas xaaj kom them ntawd kuj yuav ntau dua los yog tsawg dua. Ua ntej daim ntawv xaaj yuav hloov, lub chaw ua hauj lwm saib xyuas kev txiav nyiaj them yug me nyuam thiab/los yog lub tsev hais plaub yuav tsum muab daim ntawv xaaj los xyuas tso. Ob tus niam thiab txiv los kuj yuav tau qhia txog lawv tej nyiaj xtiag tam sim no.

Txhua peb lub xyoos, lub chaw ua hauj lwm saib xyuas kev txiav nyiaj them yug me nyuam yuav xa ib tsab ntawv ceeb to tuaj rau tus niam thiab tus txiv qhia rau nkawv kom nco tias nkawv muaj cai tau qhov muab cov nyiaj them yug me nyuam rov los xyuas dua. Cov niam cov txiv thiab cov saib xyuas tus me nyuam uas tau txais kev pab uas yog nyiaj ntsuab tuaj ntawm cov kev pab cuam W-2, SSI Caretaker Supplement, thiab Kinship Care yuav cia li tau qhov muab tsev hais plaub daim ntawv xaaj los xyuas dua txhua peb lub xyoos yam tsis tas ua dab tsi.

Kev Muab Daim Ntawv Xaaj Them Nyiaj Yug Me Nyuam Los Xyuas Dua

Qhov rov xyuas dua saib seb daim ntawv xaaj kom them nyiaj yug me nyuam puas yuav tau mob kho dua yuav tau muab ua kom tiav thaum:

- Ib tus niam/txiv tau txais kev pab rau cov me nyuam uas yog nyiaj ntsuab thiab tsis tau muab daim ntawv xaaj los xyuas dua tau ntev txog peb lub xyoos.
- Ib tus niam/txiv thov kom muaj qhov rov xyuas dua thiab tsis tau muab daim ntawv xaaj los xyuas dua tau ntev txog peb lub xyoos.
- Lub tsev hais plaub xaaj kom muaj qhov rov xyuas dua.

Tej zaum kuj yuav tau ua kom tiav qhov rov xyuas dua thaum:

- Ib tus niam/txiv thov kom muaj qhov rov xyuas dua thiab tsis tau muab daim ntawv xaaj los xyuas dua tau peb lub xyoos dhau los no lawm. Lub chaw ua hauj lwm saib xyuas kev txiav nyiaj them yug me nyuam kuj yuav ua qhov rov xyuas dua no ntau tshaj txhua peb lub xyoos yog hais tias nws muaj ib qho kev hloov tseem ceeb hauv lub neej, thiab tau ua ntawv tuaj thov rau lub chaw ua hauj lwm.
- Ib qho piv txwv ntawm ib qho kev hloov tseem ceeb yog lub tsev hais plaub hloov qhov muab tus me nyuam tso nrog niam/txiv nyob, ib tus niam/txiv muaj kev hloov hauv nws cov nyiaj tau los, los yog tus niam/txiv uas them qhov nyiaj yug me nyuam raug txim rau hauv tsev kaw neeg/tsev loj kuj lawm.
- Ib tus niam/txiv ntiav ib tus kws lij choj thov kom lub tsev hais plaub rov xyuas dua.
- Ib tus niam/txiv thov kom lub tsev hais plaub rov xyuas dua uas yog siv ib daim pro se form. Cov niam cov txiv yuav hu tau raws lawv tus family court commissioner hais txog cov pro se forms los yog mus saib <https://dcf.wisconsin.gov/cs/resources/court>.

Yuav tsis tau ua qhov rov xyuas dua thaum:

- Ib tus niam/txiv tsis muaj lub luag dej num raws cai los them nyiaj yug tus me nyuam tam sim no (txhua tus me nyuam nyob tau tus kheej li ib tus neeg muaj hnub nyoog lawm los yog tus niam/txiv uas them nyiaj yug me nyuam tas lawv txoj cai ua niam ua txiv).
- Pom tias Muaj Kev Zam Uas Tsim Nyog (Good Cause) los yog tseem xyuas seb puas muaj kev zam uas tsim nyog rau ib tus niam/txiv hauv W-2 (tab sis li cas los, tus niam/txiv uas Muaj Kev Zam Uas Tsim Nyog yuav thov tau kom muaj qhov rov xyuas dua).
- Daim ntawv xaaj yog tuaj lwm lub xeev tuaj thiab lwm lub xeev ntawv yog tus tswj hwm daim ntawv xaaj.
- Tsis paub qhov chaw nyob ntawm ib tus niam/txiv.
- Tus niam/txiv uas them qhov nyiaj yug me nyuam tau txo nws qhov nyiaj khwv tau los kom tsawg dua raws li nws siab yeem.

Muaj ib cov chaw ua hauj lwm saib xyuas kev txiav nyiaj them yug me nyuam yuav muaj lawv cov neeg ua hauj lwm los xyuas daim ntawv xaaj dua, hos lwm cov ces yog pab cov niam cov txiv siv pro se tus txheej txheem los thov lub tsev hais plaub kom rov nrog xyuas daim ntawv xaaj kom them nyiaj yug me nyuam. Qhov kev rov xyuas dua no yuav saib txog peb yam:

1. Qhov nyiaj nyob hauv daim ntawv xaaj kom them yug me nyuam puas mus raws li feem pua ntawm cov lus qhia hais txog cov nyiaj tau los (Percentage of Income guidelines)?
2. Daim ntawv xaaj puas hais txog kev pab them nqi kho mob? Tej zaum kuj yuav tau xaaj kom tus niam/txiv los yog ob leeg tib si them nqi kho mob, uas yog:
 - Rau tus me nyuam lub npe rau hauv daim phiaj npaj them nqi kho mob (health care plan) uas tus tswv hauj lwm muab rau tus niam/txiv.
 - Them cov nqi premiums rau tus me nyuam qhov kev tuav pov hwm kho mob (health insurance) uas muab los ntawm tus niam/txiv sab tod tus tswv hauj lwm.
 - Them cov nqi kho mob thiab kho hniav.
3. Puas muaj cov kev hloov tseem ceeb hauv lub neej txij thaum ua daim ntawv xaaj zaum tas los no?

Thaum ua qhov rov xyuas dua tiav tas lawm, yuav sau ntawv qhia rau ob tus niam thiab txiv paub tias yog li cas.

Kev Hloov ib Daim Ntawv Xaaj Them Nyiaj Yug Me Nyuam

Ib qho kev hloov ntawm ib daim ntawv xaaj kom them nyiaj yug me nyuam raws cai yog hu ua kev kho dua los yog pauv dua tshiab. Thaum muaj hloov li no qhov nyiaj them yug me nyuam kuj yuav tsawg dua, ntau dua tuaj, los yog nyob li qub. Yog qhov nyiaj them yug me nyuam nyob li qub, tej zaum qhov hloov kuj yuav ntxiv qhov pab them nqi kho mob rau tsev hais plaub daim ntawv xaaj. support to the court order.

Qhov kev hloov yuav tsis muaj yog hais tias qhov rov xyuas dua pom tias:

- Daim ntawv xaaj yeej ua mus raws li cov lus qhia hais txog kev them nyiaj yug me nyuam thiab yeej muaj them rau nqi kho mob tib si.

- Qhov kev hloov ntawm qhov nyiaj them yug me nyuam tsuas yuav tsawg dua 15% ntawm qhov hais rau hauv daim ntawv xaaj tam sim no, thiab qhov siv txawv yog tsawg dua \$50/hlis.

Yog lub chaw ua hauj lwm saib xyuas kev txiav nyiaj them yug me nyuam uas ua qhov rov xyuas dua pom tias yuav tau muaj qhov hloov ces, lawv yuav sau ib daim ntawv cog lus pom zoo raws cai thiab hais kom ob tus niam txiv kos npe rau. Daim ntawv cog lus pom zoo raws cai no yuav muab xa mus rau tsev hais plaub; tom qab lub tsev hais plaub pom zoo lawm ces yuav siv qhov kev hloov. Yog ib tus niam/txiv tsis pom zoo raws li daim ntawv cog lus, lub chaw ua hauj lwm saib xyuas kev txiav nyiaj them yug me nyuam kuj yuav thov kom lub tsev hais plaub kho daim ntawv xaaj. Yog lub tsev hais plaub xyuas daim ntawv xaaj, lub tsev hais plaub yuav txiav txim seb puas hloov daim ntawv xaaj los tsis hloov.

Yog Ob Tus Niam Txiv Pom Zoo los mus Hloov Qhov Nyiaj Them Yug Me Nyuam

Lub chaw ua hauj lwm Office of State Courts muaj ib daim foos online (FA-604-Stipulation and Order to Amend Judgement for Support) uas cov niam cov txiv yuav kos npe tau thiab muab xa mus rau tsev hais plaub pom zoo. Daim ntawv cog lus pom zoo yuav siv tau thaum lub tsev hais plaub pom zoo lawm. Qhov txuas mus muab tau tsev hais paub cov foos muaj nyob online ntawm <https://dcf.wisconsin.gov/cs/resources/court>.

Yog koj tau txais cov kev pab los ntawm koj lub chaw ua hauj lwm saib xyuas kev them nyiaj yug me nyuam hauv zos, lub chaw ua hauj lwm yuav tsum pom zoo rau cov lus nyob hauv daim ntawv cog lus pom zoo ua ntej koj muab xa mus rau lub tsev hais plaub. Nws kuj tseem yog ib qho tseem ceeb uas koj yuav tau qhia rau lub chaw ua hauj lwm paub txog cov lus uas tau pom zoo los ntawm lub tsev hais plaub.

Cov Nqe Lus Tseem Ceeb Yuav Tau Nco Ntsoov

Tsuas Yog Lub Tsev Hais Plaub Nkaus Xwb Thiaj Hloov Tau Daim Ntawv Xaaj Kom Them Nyiaj Yug Me Nyuam

Cov chaw ua hauj lwm saib xyuas kev txiav nyiaj them yug me nyuam yuav hloov tsis tau tsev hais plaub daim ntawv xaaj. Lub chaw ua hauj lwm kuj sau tau daim ntawv cog lus pom zoo es muab rau cov niam txiv kos npe rau, tab sis yuav tsum yog lub tsev hais plaub yog tus pom zoo rau daim ntawv cog lus no. Cov kev hloov yuav tsis pib kom txog rau thaum lub tsev hais plaub kos npe rau daim ntawv xaaj.

Xa Cov Ntawv Ceeb Toom

Cov ntawv ceeb toom qhia txog qhov rov xyuas dua yog muab xa raws tsev xa ntawv tuaj mus rau qhov chaw nyob uas tus niam/txiv muab rau qhov chaw ua hauj lwm saib xyuas kev txiav nyiaj them yug me nyuam. Yog cov niam txiv muaj qhov chaw nyob tshiaj lawv yuav tau hu qhia rau lub chaw ua hauj lwm los yog online ntawm <https://dcf.wisconsin.gov/cs/parent-rights/updates>.



Kev Them Nyiaj Yug Me Nyuam Cov Kws Lij Choj

Cov kws lij choj yog ua hauj lwm sawv cev lub xeev, lawv tsis yog sawv cev tus niam/txiv. Kev them nyiaj yug me nyuam cov kws lij choj yuav tuaj koom cov rooj sib hais uas ib tus niam/txiv tau txais cov kev pab uas yog nyiaj ntsuab.

Nqi

Cov chaw ua hauj lwm saib xyuas kev txiav nyiaj them yug me nyuam tsis tsub tus nqi kom them rau qhov kev rov xyuas tsev hais plaub daim ntawv xaaj los yog hloov daim ntawv xaaj uas muaj nyob ntawd tam sim no. Cov tsev hais plaub feem ntau yuav tsub tus nqi \$30 rau cov rooj sib hais (hearings) los mus rov xyuas los yog hloov ib daim ntawv xaaj them nyiaj yug me nyuam. Tus nqi no yog muab tsub rau tus niam/txiv uas thov kom muaj qhov rov xyuas dua los yog qhov kev hloov. Yuav tsis muaj tus nqi tsub rau tus niam/txiv uas tau txais cov kev pab uas yog nyiaj ntsuab tuaj ntawm cov kev pab cuam W-2, SSI Caretaker Supplement, los yog Kinship Care. Muaj ib cov tsev hais plaub tsis tsub tus nqi rau ntawm qhov ua daim ntawv cog lus pom zoo raws cai.

Muab Cov Nyiaj Tau Los Txiaj Mus Them Yug Me Nyuam

Lub tsev hais plaub yuav siv tus niam/txiv cov nyiaj tau los tas nrho ua ntej txiav se tawm (gross income), rab peev xwm khwv tau nyiaj, los yog lwm yam nyiaj tau los txiaj coj mus them yug me nyuam.

Nyiaj tau los tas nrho ua ntej txiav se tawm (gross income): tas nrho cov nyiaj tau los thiab khwv tau txhua qhov los thiab yuav tau them se los tsis them. Cov nyiaj tau los yog nyiaj, khoom ntiag tug, los yog cov kev pab. Nws tsis suav cov nyiaj tau los ntawm W-2 los yog SSI.

Rab peev xwm khwv tau nyiaj (ability to earn): yog tus niam/txiv txoj hauj lwm thiab nqi zog yav dhau los, kev noj qab haus huv, kev kawm ntawv, thiab muaj hauj lwm qhib.

Nyiaj tau los muaj mus them yug me nyuam: nyiaj tau los tas nrho ua ntej txiav se rho tawm nyiaj txiav them yug me nyuam dhau los xws li ib daim ntawv xaaj kom them rau lwm tsev neeg.

Qhov Nyiaj Xaaj Kom Them

Ntawv xaaj kom them rau cov tsev neeg uas tau txais cov kev pab los ntawm lawv lub chaw ua hauj lwm saib xyuas kev txiav nyiaj them yug me nyuam yuav tsum hais seb qhov nyiaj yog npaum cas (xws li \$300 txhua hlis). Qhov nyiaj npaum cas no yog ua raws li cov qauv kev cai Percentage of Income Standards.

Qhov Nyiaj Them Yug Me Nyuam Los Xaus

Raws li Wisconsin tsab cai lij choj, ib tus niam/txiv lub luag dej num them nyiaj yug nws tus me nyuam yuav muaj kom mus txog thaum muaj 18 xyoos, los yog 19 xyoos yog tus me nyuam tseem kawm hauv high school los yog kawm kom tau daim GED.

Yuav muab cov ntawv ceeb toom (Emancipation Notices) xa rau ob tus niam txiv li 90 hnuv ua ntej hnuv tus me nyuam kawm tas los yog hnuv nyooq yug nto 18 xyoo ntawm tus me nyuam yau tshaj plaws. Daim ntawv xaaj kom them nyiaj yug me nyuam tam sim no yuav los xaus rau thaum tus me nyuam yau tshaj plaws nto 18 xyoo tshwj tias ntshe ib tus niam/txiv ho muaj ntaub ntawv ua rau lub chaw ua hauj lwm saib xyuas kev txiav nyiaj them yug me nyuam pom tias tus me nyuam tseem kawm high school los yog muaj npe kawm kom tau daim GED.

Yog cov nyiaj them yug me nyuam uas dhau sij hawm lawm tseem tsis tau them, qhov no tseem yuav tau them. Yog daim ntawv xaaj kom them nyiaj yug me nyuam tam sim no los xaus lawm, tab sis tseem tsis tau them cov nyiaj uas dhau sij hawm lawm, tus niam/txiv yuav tau xyuas qhov no nrog lub chaw ua hauj lwm kom paub tseeb tias nws muaj tsev hais plaub daim ntawv xaaj kom them qhov uas dhau sij hawm ntawd. Qhov txiav cov nyiaj tau los koj mus them yug tus me nyuam yuav nyob li them qub mus kom txog rau thaum them puv ntoob cov uas twb dhau sij hawm lawm los tseem tsis tau them tas.

Lus nug

Yog xav paub txog cov lus nug thiab lus teb uas khev nug dhau los hais txog qhov kev xaus cov nyiaj them yug me nyuam mus saib lub website ntawm: <https://dcf.wisconsin.gov/cs/ends-faq>.


Tus niam/txiv sab tod tshuav nyiaj dhau sij hawm lawm tsis them rau kuv. Kuv tsis xav tau qhov nyiaj ntawd lawm. Kuv yuav ua tau li cas?

Kuv tseem xav tau cov nyiaj them yug me nyuam, tab sis kuv tsis xav tau qhov kev them nyiaj yug me nyuam cov kev pab. Kuv yuav tso tseg qhov kev them nyiaj yug me nyuam cov kev pab li cas?

Kuv tus tub tawm high school kawm tsis tas. Nws lub hnuv nyooq yuav muaj 18 xyoo hli puav tom ntej no. Thaum twg yog thaum kuv tso tseg tsis tau them nyiaj yug me nyuam? Kuv tus ntxhais muaj 18 xyoo thaum lub 2 Hlis (February), tab sis nws yuav tsis tau tiav high school kom txog rau thaum lub 6 Hlis (June). Thaum twg kuv daim ntawv xaaj kom them nyiaj yug me nyuam thiaj los xaus?

Kuv cov me nyuam tsis nrog tus niam/txiv sab tod nyob ntxiv lawm. Tam sim no lawv nrog lawv pog thiab yawg nyob. Kuv puas tseem yuav tau them nyiaj yug me nyuam?

Yog Xav Paub Ntxiv Hu Rau:



DCF yog ib tus tswv hauj lwm thiab ib qhov chaw muab kev pab cuam muaj vaj huam sib luag rau sawv daws. Yog koj muaj ib tus mob xiam oob qhab tsis taus thiab xav tau cov ntaub ntawv no ua lwm hom kom koj nyeem tau, los yog kom muab txhais ua lwm hom lus, thov hu rau (608) 266-3400 los yog (608) 422-6889 WTRS (Hu Dawb).

